

**Grad Novi Pazar**

**Skupština grada**

**Odbornička grupa SDA Sandžaka**

**Novi Pazar**

**03. septembar 2023. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UTVRĐIVANJU OBAVEZA GRADA NOVOG PAZARA PREMA UČENICIMA OŠ “DESANKA MAKSIMOVIĆ” NOVI PAZAR**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 04. septembar 2023. godine.

**Predsjednik odborničke grupe**

mr. Ahmedin Škrijelj

## **PRIJEDLOG**

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 04. septembra 2023. godine, donosi

### **O D L U K U**

#### **O UTVRĐIVANJU OBAVEZA GRADA NOVOG PAZARA PREMA UČENICIMA OŠ “DESANKA MAKSIMOVIĆ” NOVI PAZAR**

##### **Član 1.**

Obavezuje se grad Novi Pazar da učenicima OŠ „Desanka Maksimović“ Novi Pazar, za vrijeme trajnja radova na rekonstrukciji objekta škole, obezbijedi:

- 1) prevoz učenika od kuće do Osnovnih škola u kojima privremeno pohađaju nastavu i nazad;
- 2) adekvatne prostorne uslove za pohađanje nastave od prvog do četvrtog razreda;
- 3) i preduzme druge potrebne mjere kojima će se obezbijediti sigurnost učenika i kvalitet nastave;

##### **Član 2.**

Obavezuju se nadležni organi grada Novog Pazara da javnosti saopšte tačnu informaciju o vremenskom trajanju radova, odnosno okončanju radova na rekonstrukciji objekta OŠ „Desanka Maksimović“ Novi Pazar.

Obavezuju se nadležni organa grada Novog Pazara da utvrde sve činjenice u vezi sa razlozima zbog čega radovi na rekonstrukciji objekta OŠ „Desanka Maksimović“ nisu izvršeni tokom letnjeg raspusta.

### **Član 3.**

Ovu odluku objaviti u „Službenom listu grada Novog Pazara“.

### **SKUPŠTINA GRADA NOVOG PAZARA**

Broj:

U Novom Pazaru, 04. septembar 2023. godine

**PREDSJEDNIK**

Dr. Anela Šemović

## **O B R A Z L O Ž E N J E:**

### **Pravni osnov za donošenje ove odluke sadržan je:**

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

### **Razlozi za donošenje odluke:**

Razlozi za donošenje ove odluke sadržani su u činjenici da su učenici OŠ „Desanka Maksimović“ , od V do VIII razreda, zbog radova na rekonstrukciji objekta ove škole prinuđeni da nastavu pohađaju u OŠ „Stefan Nemanja“ i OŠ „Rifat Burdžović – Tršo. Dok će, prema informacijama kojim raspolažemo, učenici od I do IV razreda nastavu pohađati u iznajmljenim objektima u okolini škole.

Nastava koja će se, za učenike OŠ „Desanka Maksimović“ odvijati u drugim školama trajaće od 17h do 20:30h, dakle i u večernjim satima. Ono što zabrinjava jeste da toj djeci uzrasta od 10 do najviše 15 godina nije osiguran prevoz od kuće do škole i nazad.

Činjenica da prevoz za ove učenike nije obezbijeđen, dokaz je da gradske vlasti apsolutno ne vode računa o sigurnosti učenika te da su učenici i njihovi roditelji prepušteni sami sebi.

Donošenjem ove odluke ispravlja se ta uočena greška a djeci i njihovim roditeljima pruža potreban nivo sigurnosti. Ovom odlukom Grad Novi Pazar preuzima brigu o sigurnosti učenika i pokazuje svoju odgovornost za situaciju u koju su se našli putu od

škole do kuće, što je inače i zakonom propisana obaveza gradskih vlasti koju do sada nisu izvršili. Takođe Grad je u obavezi da osigura i adekvatne prostorne uslove za učenike od prvog do četvrtog razreda ali i da utvrdi u kakvim uslovima će ovi učenici pohađati nastavu dok se ne izvrši rekonstrukcija objekta škole Cana.

Shodno tome donošenjem ove odluke Grad Novi Pazar će preuzeti obavezu da :

- obezbijedi prevoz učenika od kuće do Osnovnih škola u kojima privremeno pohađaju nastavu i nazad,
- obezbijedi adekvatne prostorne uslove za pohađanje nastave od prvog do četvrtog razreda,
- javnosti saopšte tačnu informaciju o vremenskom trajanju radova, odnosno okončanju radova na rekonstrukciji objekta OŠ „Desanka Maksimović“ Novi Pazar,
- utvrde sve činjenice u vezi sa razlozima zbog čega radovi na rekonstrukciji objekta OŠ „Desanka Maksimović“ nisu izvršeni tokom letnjeg raspusta.

### **Objašnjenje pojedinih rješenja propisanih ovom odlukom:**

Član 1: Utvrđen je predmet odluke.

Član 2: Utvrđene su obaveze ograna grada u vezi sa prikupljanjem i javnim objavljivanjem informacija u vezi sa ovim pitanjem.

Član 3: Propisana je obaveza objavljivanja u „Službenom listu grada Novog Pazara“.

**Finansijska sredstva za sprovođenje ove odluke nisu potrebna**